

PERICULUM ENTOMOGRAPHICUM,  
**SPECIES INSECTORUM**  
 NON DUM DESCRIPTAS  
 PROPONENS,

---

QUOD

VENIA FACULT. PHILOS. ABOËNSIS AMPLISS.

P R A E S I D E  
**CAROLO REGINALDO SAHLBERG,**  
*Phil. & Med. Doct., Oecon. & Hist. Nat. Profess.  
 Publ. & Ord., Collegii Imp. Med. Assess., Societ. Imp.  
 Nat. Studios. Moscov. & Nat. Scrut. Lips. nec non  
 Soc. Imp. Oecon. Fenn. Membro,*

P U B L I C Æ C E N S U R Æ S U B M I T T I T

PRO LAUREA  
**ADOLPHUS WILHELMUS DAMMERT,**  
*Stipend. Publicus, Aboënsis.*

In Auditorio Philos. die XIII Junii 1823.

h. a. m. s.

P. I.

---

ABOÆ, Typis FRENCKELLIORUM.



littera super undam legemque audiremque  
tempore, atque ceteris quibusdam quibusdam  
tempore, super singulis etiam ceteris quibusdam

**P**eregrinas remotissimasque visendi mundi plaga-  
gas, vel lenitate coeli vel fertilitate ipsius so-  
li, Floram progignentes ditissimam Faunamque, sal-  
tus illarum, campos prataque florifera, nec non  
lacus paludesque peragrandi diligenterque perse-  
stigandi, atque immensa Insectorum nondum co-  
gnitorum, & forma & colore mirifice variantium,  
messe ibidem congesta, horum descriptionibus am-  
bitum finesque Scientiæ Entomologicæ amplius di-  
latandi, paucis profecto vel hucusque oblata fuit,  
vel posthac dabitur occasio. Attamen Entomolo-  
gorum, cujuscunque fuerint eruditionis famæque,  
vix ullum nominare poteris, cui non licuerit vel  
paucas saltem, aut in Patria a semet ipso collectas,  
aut e Museis publicis privatisve mutuo acceptas,  
novas describere Insectorum species. Utrum vero  
*illi*, donis suis, largissimis quidem, sed rarissime  
datis, vel *hi* symbolis, quantumvis exiguis, sed cre-  
bris tamen & undique terrarum collatis, numerum  
Insectorum haec tenus cognitorum plus auxerint, res  
est haud facile dijudicanda. Id saltem hinc colli-  
gere juvat, quod, qui *illorum* sortem ne sperare  
quidem possunt, ideo tamen a vestigiis *horum* cal-  
candis haudquaquam absterrei debeant. Quæ cum  
ita sint, nos quoque, descriptionibus iconibusque  
specierum quarundam nondum descriptarum, in in-  
crementum Scientiæ Entomologicæ aliquid conferre,  
vel saltem eorum, qui majora moliuntur opera, la-  
bores sublevare, & ipsi gestientes, adhortationibus

Viri, cultoribus Entomologiæ omnibus æque amati atque æstimati, D:um SCHÖNHERR loquor, Entomologorum borealium decus, diligentiaque Entomologicæ exemplum, eo potius obtemperavimus, quod Insecta mox describenda, pro insigni sua liberalitate, cuique notissima, ipse nobis mutuo obtulerit. Quas itaque jam enarraturi sumus Insectorum Species, omnes in Museo D:ni SCHÖNHERR, Coleopterorum ditissimo, asservantur, omnesque auctoritate hujus Viri, copia librorum Entomologicorum eximia ornati, commercioque litterario cum plurimis Entomologis Europæ jundi, utpote nondum descriptæ proponuntur. Nomina trivialia, quæ Speciebus plurimis vel a laudato D. SCHÖNHERR, vel ab alio quodam Entomographo, jam antea data sunt, retinuimus; paucis nova ipsi apposuimus. Species quavis Generibus annumeravimus, quibus in collectione sæpius laudati Viri subjecta erant, omne instrumentorum cibariorum eo magis præterire coacti examen, quo minus nobis licuit, specimen, quod habuimus unicum, idque mutuo acceptum mutilare. Descriptiones autem partium cæterarum exarare accuratas, omni quidem, quo potuimus, conati sumus studio. Quum vero Insecta hæcce, cum Speciebus omnibus vel saltem pluribus, iisdem affinibus comparandi, nobis non contigerit occasio, quumque copia librorum necessariorum sufficienti haud fuerimus instrudi, nulli dubitamus, quin descriptiones nostræ, quamvis nimis forsitan longæ, mancæ tamen & vacillantes videantur. Illustrationis igitur ulterioris gratia, Icones plurimarum Specierum, in tabulas quatuor adumbratas, adjicere necessarium duximus. Quas autem pingendi laborem, cum, licet negotiis publicis distentus bene multis, ultiro & ex insigni, quo in studium

Entomologicum ducitur amore, in se suscepit  
 Per illustris D:us C. G MANNERHEIM, Liber Baro,  
 Monographiæ Eucnemidum nuperime editæ au-  
 ðor eximius, atque in arte, Insecta vivis adum-  
 brandi coloribus, in patria nostra facile primus,  
 non possumus, quin, quas ab hoc nobis præstitum  
 amicitiæ documentum habemus gratias, publice per-  
 solvamus maximas. Sculpturam Iconum D:o J. U.  
 EKWALL, Geodætæ nostro, debemus, qui hoc pri-  
 mo fere Insecta ære signandi tentamine, satis, ut  
 credo, ostendit, quid olim ab illo sperare possit  
 Iconographia Entomologica.

Ita comparatum hunc qualemcunque Periculi  
 Entomographici jam emisimus fasciculum. Si quid  
 accessionis inde ceperit Scientia Entomologica, aut  
 si quam Tibi, B. L. afferre valuerimus volupta-  
 tem, jucundissimum profecto habebimus operæ no-  
 stræ præmium; sin minus, hoc tamen nos conso-  
 labimur, quod præfatione longa Tuam non fru-  
 strati fuerimus exspectationem.

---

1. *LAMPYRIS DISCOIDEA*. *Schönherr.*

*L.* testaceo-flavescens, punctulata, pubescens;  
 antennis, elytrorum disco posteriori, abdomine,  
 alis, tibiis tarsisque fuscis.

Habitat in Insula Guadeloupe. Dom. *Forsström.*

Longitudine 4 lin. Paris. Magnitudine &  
 statura *L.* splendidulæ æqualis. Tab. 1 f. 1.

Caput sub clypeo thoracis absconditum, ni-  
 grum; fronte inter oculos profunde sulcata. Oculi  
 globosi, maximi, valde prominuli, nigri. Anten-

næ thorace duplo fere longiores, compressæ, pubescentes, nigro-fuscæ, articulis duobus baseos apiceque ultimi brunneis.

Thorax antice semicircularis, postice sinuato-truncatus, angulis acutis, parum deflexis, supra pubescens, limbo antico & laterali pallide testaceo, crebre rugoso-punctato, explanato, lateribus tamen postice parum elevatis, disco postico elevato, canaliculato, subtilissime punctulato, fulvo.

Scutellum subtriangulare, apice obtusum, testaceum, punctulatum, pubescens.

Elytra ovato-oblonga, basi thoracis latitudine, mox vero dilatata, apice singulatim rotundata, thorace triplo longiora, supra subtiliter & crebre punctulata, pubescentia, disco convexa, lineis duabus, interiori ante medium desinente, exteriori ad apicem fere extensa, obsolete elevatis, lateribus explanata, basi flavescenti-testacea, vitta ante medium incipiente, discum posteriorem occupante, fusca, limbo laterali latius, sutura angustius griseo-pallidis, pelliculidis

Pedus testaceo-flavescens, pubescens. Abdomen nigro-fuscum; ano albido.

Pedes mediocres pubescentes, compressi; femoribus flavo-testaceis; tibiis tarsisque nigro fuscis:

## 2. HISTER AZUREUS.

H. ovatus, niger, nitidus, elytris cyaneis, apice punctulatis, externe striis tribus, interne punctis in series quatuor irregulares collocatis, tertia cum stria suturali ad basin arcuatim juncta.

Habitat in Brasilia. *D. Spence.*

Longitudine 3 linearum. H. nitidulo statu-  
ra & magnitudine æqualis.

Caput antice productum, angustatum, crebre  
punctatum, nigrum, nitidum, subconvexum; fo-  
vea ante os sat magna impressa. punctoque supra  
hanc profunde excavato. Oculi laterales, ovati, brun-  
neo-grisescentes. Antennæ fractæ, nigræ, nitidæ;  
clava magna globosa, griseo-pubescente.

Thorax antice valde angustatus, emarginatus,  
angulis rotundatis, posterius dilatatus, basi truncato-  
subbisinuatus, angulis posticis rectis, lateribus &  
apice tenue marginatus, supra niger, nitidissimus,  
convexus, disco lævis, ad basin angustissime, ad  
latera latius punctulatus; fovea ad angulos anticos  
utrinque majori & punto ante scutellum minuto  
impressis.

Scutellum minutissimum, triangulare, nigrum,  
nitidum, lævissimum.

Elytra basi thorace haud latiora, sed illo di-  
midio longiora, ante medium parum dilatata, po-  
sterius sensim angustata, apice truncata, supra pa-  
rum convexa, coerulecenti-azurea, nitida, apice  
punctulata; in singulo striæ octo, ante apicem ab-  
breviatæ, quarum extima, in medio abrupta, & se-  
cunda, integra, impunctatæ; tertia a margine exterii-  
ore ad medium usque elytri impunctata, posterius  
vero punctis irregulariter seriatis continuata; qua-  
tuor insequentes punctis irregulariter seriatis com-  
positæ; quarta prope ad basin abrupta; quinta juxta  
basin cum stria suturali arcuatim juncta, inter quas  
sexta & septima, valde breves, vix medium elytri

transcendunt; sub margine inflexo laterali stria longitudinalis integra, & sub humero altera valde abbreviata, impressæ.

Pygidium subtriangulare, nigrum, crebre rugoso-punctatum, lineolis, utrinque una, lateralibus impressis, apice reflexis, relicta inter se carinula elevata, angusta.

Corpus subtus nigrum, nitidum, punctulatum, convexum.

Pedes compressi, nigri, nitidi, tarsis nigro-piceis; tibiæ anticæ dilatatae, crenulato-dentatae.

### 3. COPRIS CORNIGERA.

C. picea, nitida, capite thoraceque obscurioribus, thorace tricorni, medio retuso, bidentato, capitis cornu retrorsum parum arcuato, clypeo emarginato, pygidio laevissimo.

Habitat — — —

Statura C. lunari valde affinis, sed differt magnitudine multo majori, thoracis medio non sulcato, striis elytrorum laevioribus, atque pygidio laevissimo. Longitudine 12 linearum. Tab. 1. f. 2. 3.

Caput nigrum, nitidum; clypeus semicircularis, apice profunde sed anguste emarginatus, margine reflexo, supra rugulosus, fossula ad angulos late sed non profunde impressa. Cornu maris: basi crassius, apice angustatum, subarcuatum, elongatum, punctulatum, postice obsolete bi-angulatum, angulis crenulatis, nigrum; feminæ: quadruplo brevius compressum, basi angustius, apice dilatato, sinuato-

emarginato. Oculi cinerei, rotundati, minuti, laterales. Antennæ piceo-ferrugineæ, clavato-lamellatae.

Thorax niger, antice retusus, angulis omnibus rotundatis, tenue marginatus, carinula longitudinali ad utrumque latus elevata; maris: tricornis, aut trilobus potius, lobis lateralibus acutis, compresso-carinatis, fossa lata & profunda, granulato-rugosa, a medio distinctis; lobus medius crassus, bidentatus, antice valde retusus, planum verticale, subquadratum, laevissimum formans; supra laevis, ad basin anguste rugulosus; feminæ vero antice latior, postice anguste punctato-rugulosus, loco loborum dente utrinque lateralí brevi & carina media transversa instructus.

Elytra thorace haud latiora, sed duplo longiora, abdome breviora, picea nitida, convexa, striata, striis laevis impunctatis, basi & apice interno paullo profundioribus.

Pygidium subtriangulare, nigro-piceum, nitidum, laevissimum.

Corpus subitus piceum, nitidum, thoracis petorisque lateribus punctulatis.

Pedes picei, subhirsuti, femoribus latis compressis, tibiis apice dilatatis, anticis tridentatis.

#### 4. M E L O L O N T H A Æ R U G I N O S A Schönherr.

M. oblonga, cupreo-æruginosa, nitida, setulis adspersa, scutello & pygidii lateribus dense albidoo-setosis, elytris brunnescensibus opacis, pedibus testaceis.

Habitat in Brasilia. Dom. Spence.

Longitudine  $5\frac{1}{2}$  linearum. Magnitudine & statura M. transversæ æqualis. Tab. 1. f. 4.

Caput æneum, profunde & crebre punctatum, setis albidis, supra parcus, subtus dense obtectum, summo vertice glabro; clypeus rotundatus, margine reflexo, fuscescente. Oculi magni, globosi, nigri, nitidi. Antennæ rufo-ferrugineaæ, clava (forte maris) lanceolato-oblonga trilamellata.

Thorax transversus, longitudine duplo latior, antice late emarginatus, angulis parum prominulis, basi subbisinuato-truncatus, angulis posticis rectis, medio rotundato-dilatatus, lateribus & basi tenuè marginatus, supra convexus, sat crebre punctatus, virescenti-cupreus, nitidus, medio glaber, lateribus setis albis, depresso, parcioribus late obsitus, subtus dense albido-setosus.

Scutellum triangulare, cupreum, nitidum, setis albidis decumbentibus dense testum, apice glabrum.

Elytra thorace paullo latiora & plusquam triplo longiora, apice singulatim obtuse rotundata, supra modice convexa, punctulata, setulis brevibus albidis hinc inde sparsis, costis quibusdam obsoletissimis notata, rufo-brunnea, virescenti-micantia, margine tenuissime elevato, viridi.

Pygidium subtriangulare, brunneo-cupreum, viridi-micans, lineolis transversis impressis rugosum, lateribus setulis albidis dense testis.

Pectus & abdomen cuprea, nitida, setulis albidis obsita, abdominis medio virescenti.

Pedes

Pedes longiusculi, tenues, compressi, pilosi, testacei, tibiis anticis extrosum tridentatis, dente extimo nigro.

5. RUTELA HISTRIO. *Dejean.*

R. picea, nitida, capitis thoracisque linea media, thoracis lateribus, scutello, macula elytrorum magna irregulari, sterno antice maculisque abdominis luteis.

*Dejean Catal. de Coleopt. pag. 60.*

Habitat in Brasilia, D. *Dejean*, & in Guiana D. *Thunberg*.

Magnitudine & statura R. lineolæ valde æqualis. Longitudo 8 linearum. Tab. i f. 5.

Caput latum, versus apicem angustatum, brunneo-piceum, linea media longitudinali flava, nitidum, glabrum, subtiliter punctulatum; clypeus protuberantia transversali a fronte distinctus, apice emarginato, lobulis reflexis nigricantibus, lateribusque anguste marginatis. Oculi rufescentes. Antennæ ferrugineæ, articulis baseos magis rufescensibus, clava elongata trilamellata.

Thorax longitudine duplo latior, antice angustior, late emarginatus, angulis porrectis acutis, lateribus rotundatus, postice subtrisinuatus, apice & lateribus tenue marginatus, supra convexus, glaber, nitidus, piceus, linea lata longitudinali, nec summum apicem nec basin attingente, lateribusque, præter punctum in medio piceum, late flavis, undique punctulatus, punctis in partibus flavis subtilissimis, in zonis vero piceis multo profundioribus, ocellatis.

Scutellum triangulare, glabrum, punctulis quibusdam subtilissimis impressis, flavum, nitidum, marginibus lateralibus anguste piceo-brunneis.

Elytra thorace duplo longiora, sed basi illo haud latiora, versus medium parum dilatata, apice subtruncata, supra modice convexa, glabra, punctato-striata, callo humerali & apicali levibus, interstitio inter striam a sutura primam & secundam latissimo, punctato, rugisque ad striam quartam transversim impressis, nigro-picea, nitida, macula magna discoidali, suturam vix attingente, ramosque duos, alterum ad medium baseos, relicta plaga scutellum cingente picea, alterum ad marginem externum emittente, lineolaque infra humerum marginali angusta, flavis.

Pygidium subtriangulare, lineolis transversis subtiliter impressis rugosum, nigro-piceum, macula juxta marginem inferiorem flexuose & angulatim percurrente flava.

Corpus subtus ferrugineo-piceum, flavo-variegatum, thorax scilicet subtus ferrugineo-piceus, lateribus flavis; pedes piceo-ferrugineum, macula in summo margine parva, alteraque magna triangulari, in sternum itidem flavum antrorsum productum, transeunte, flavis, antice parce punctulatum, nitidum, postice lineolis subtilissimis anastomozantibus striolatum; abdomen ad latera subtilissime striolatum, piceum; segmentum primum macula ad utrumque latus parva, secundum tertiumque maculis lateralibus atque tertia adhuc in medio, quartum denique maculis in medio tribus, flavis, ultimum immaculatum.

Pedes compressi, femoribus intermediis basi puncto flavo, posticis vero lineola parva marginis interioris, atque margine exteriore late flavis.

Obs. R. Lineolæ ejusque varietati  $\beta$  a D. Schönherr citatae atque a Herbst, sub nomine Melolonthæ Ephippii, depictæ, adeo omnino similis est hæcce, ut dubitem omnino, an diversam constitutat speciem.

#### 6. AKIS GRANULIFERA.

A. nigra, nitida, thorace marginato, angulis anticus acutis, posticus spinosis, elytris costis tribus acute elevatis, intersticiis granulatis.

Habitat in Lusitania.

Longitudo 10 linearum. Magnitudine & habitu A. spinosæ omnino æqualis, sed differt imprimis granulis in intersticiis costarum crebris. Tab. I. f. 6.

Caput ovatum, nigrum, antice emarginatum, dorso parum convexum, lateribus elevatis, subtiliter punctulatum, carinula ante oculos utrinque brevi elevata. Oculi laterales, transversi, angustati, atri. Antennæ longitudine capitis cum thorace, filiformes, nigræ, sub margine capitis reflexo insertæ, articulo 1:o crasso, 2:o brevissimo nodoso, 3:o longissimo, 4:o - - - 10:o versus apicem gradatim brevioribus, ultimo conico triangulari, ferugineo, basi tantum nigro.

Thorax longitudine paullo, sed thorace duplo latior, antice profunde emarginatus, angulis anteriorum valde producatis, acutis, lateribus rotundatus, basi media truncatus, angulis posticus in spinam acuminatam extorsum oblique protractis, niger, subnitidus, subtilissime punctulatus, dorso planiusculus, marginibus late elevatis.

Scutellum minutum, subtriangulare, apice truncatum, nigrum, levissimum.

Elytra connata, ovata, antice rotundata, medio dilatata, thorace dimidio latiora, posterius angustata, apice obtuse acuminata, lateribus late inflexa, supra nigra nitida, dorso planiuscula, poste-  
ce valde declivia, sutura parum, costisque duabus longitudinalibus magis elevatis, exteriori subtiliter crenulata, ad apicem extensa, interiori ante apicem ab breviata; margine itidem acute elevato-costato, crenulato; interstitium inter suturam & costam interiorem sublæve, interstitia vero duo exteriora granulosa, tuberculis inæqualibus crebris in lineam dispositis; sub costa marginali granulorum series abbreviata e-  
tiam observatur.

Corpus subtus nigrum, glabrum, subtiliter punctulatum.

Pedes nigri, glabri, femorum basi tibiisque granulato rugosis.

#### 7. OPATRUM INQUINATUM. Schönherr.

O. nigrum, subdepressum, latum, thoracis marginibus late deplanatis, elytris leviter striatis, striis vix punctulatis, intersticiis breviter hispidulis.

Habitat in Sierra Leona. D. Afzelius.

5 lineas longum, O. sabuloso duplo majus, & magis depresso, multoque latius.

Caput exsertum, angulatum, antice profundius emarginatum, lateribus ante oculos dilatatis, posterius sub thorace deflexis, nigrum, pilis brevissimis ferrugineo-inquinatis obsitum. Oculi laterales, rotundati, atri. Antennæ sub margine capitis inser-tæ, basin thoracis haud attingentes, extrorsum paullo crassiores, nigræ; articulo 1:o crassiori; 2:o

brevissimo nodoso; 3:0 longissimo subcylindrico; 4:0 - - - 7:0 extrorsum sensim brevioribus crassioribusque; 8:0 - 10:0 crassioribus perfoliatis; ultimo paullo majori pallescente.

Thorax capite duplo longior atque duplo & dimidio latior, antice angustior, profunde emarginatus, angulis anticis porrectis, subacutis, lateribus rotundatus, postice bisinuatus, angulis fere rectis, supra disco parum convexus, marginibus late deplanatis, ater, opacus, pilis brevissimis ferrugineo-inquinatis obsitus.

Scutellum minutum, rotundatum, nigrum, opacum.

Elytra thorace haud latiora sed triplo longiora, apice rotundata, supra parum convexa, antice subdepressa, anguste marginata, atra, opaca, tenuiter striata, striis antice punctis obsoletis impressis, interstitiis striarum planiusculis, setulis brevissimis rigidis subseriatis sat crebre obsitis.

Corpus subtus nigrum, opacum, setulis vel pilis brevissimis griseis parce obsitum.

Pedes mediocres, nigri, pilis parciорibus subhirsuti.

#### 8. OPATRUM LATIPES. Schönherr.

O. oblongum, nigrum, glabrum, subopacum, thorace crebre sed subtilissime punctulato, elytris striatis, tibiis posticis subarcuatis, interne subsinuatis.

Habitat in Sierra Leona. D. Afzelius.

6 lineas longum, Tenebr. obscurum magnitudine æquat.

**Caput exsertum**, subrotundum, antice emarginatum, subæquale, nigrum, creberrime & subtilissime punctulatum. Oculi laterales, oblongo-ovati, nigri. Antennæ sub marginē capitis ante oculos parum elevato insertæ, capite thoraceque paullo longiores, versus apicem compresso-dilatatae; articulo 1:o obconico, 2:o brevissimo, 3:o cæteris longiori, 4:o subcylindrico, 5 - - 10:o versus apicem sensim latioribus, latere imprimis interno dilatatis, ultimo rotundato ovato.

**Thorax transversus**, longitudine plus quam di-midio latior, antice paullo angustior, late emarginatus, angulis anticis subacutis, lateribus rotundatus, tenue marginatus, basi bisinuatus, angulis posticis acutis, niger, opacus, supra parum convexus, æqualis, creberrime & subtilissime punctulatus.

**Scutellum minutum**, breve, rotundato-subtriangularē, nigrum, glabrum, subnitidum, subtilissime punctulatum.

Elytra thorace vix latiora sed triplo longiora, postice subsinuato-angustata, apice rotundata, supra nigra, subnitida, parum convexa, punctato striata, intersticiis subtilissime punctulatis, tenuissime marginata, sub margine inflexo lineola abbreviata antice impressa.

Corpus subtus nigrum, margine thoracis inferioris profundius punctato-rugoso, pedore & abdome subnitidis, subtiliter punctulatis.

Pedes mediocres, nigri, nitidi, punctulati; femora crassiuscula; tibiæ anteriores basi angustæ, versus apicem sensim crassiores, posticæ arcuatæ, in medio interne subsinuatae; tarsi antici maris dilatati.

9. OPATRUM PERFORATUM. Gyllenhal.

O. nigrum, glabrum, tarsis antennisque piceis, harum apice, labro palpisque rufescentibus, elytris striatis, striis profunde punctatis.

*Opatrinus perforatus.* Dejean Catal. d. Col. pag. 66.

Habitat in insula Barthelemy. D. Forsström.

Lineas  $3\frac{1}{2}$  longum, O. Sabuloso magnitudine & statura æquale.

Caput breve, longitudine paullo latius, nigrum, opacum, glabrum, subtilissime punctulatum, clypeo profunde emarginato, linea semicirculari obsolete impressa a fronte distincta. Oculi laterales, rotundato-ovati, nigri. Antennæ sub margine capitis insertæ, thorace breviores, extrorsum paullo crassiores, piceæ, articulis tribus ultimis ferrugineo-rufescentibus; articulus 1:us obconicus; 2:us brevissimus nodosus; 3:us subcylindricus, cæteris longior; 4:us tertio fere dimidio brevior, insequentibus tribus fere globosis longior; 8:us paullo crassior, 9:us 10:us clavato-perfoliati; ultimus apice obtusus, rotundatus. Labrum & palpi rufescentia.

Thorax transversus, longitudine fere duplo latior, antice angustior, late emarginatus, angulis acutis, lateribus parum rotundatus, tenuissime marginatus, postice bisinuatus, angulis acutis retrorsum productis, niger, opacus, glaber, supra parum convexus, vix & non nisi oculo acutissime armato subtilissime punctulatus, foveola ad sinus baseos utrinque punctiformi impressa.

Scutellum minutum, latitudine triplo brevius, nigrum, opacum, levissimum.

Elytra thorace haud latiora, sed triplo fere longiora, apice rotundata, supra nigra, subopaca, modice convexa, punctato-striata, punctis striarum profunde impressis, interstitiis valde convexis levissimis; margo inflexus per totam longitudinem canaliculatus.

Corpus subtus nigrum, subopacum, glabrum, sublæve; segmentorum abdominis 3:ii & 4:ti apices in medio interdum picei.

Pedes mediocres nigri, subopaci, crebre punctulati, femoribus subcompressis, tibiis versus apicem crassioribus; tarsi picei, anticorum articulis in mare dilatatis.

#### 10. TENEBRIO PULLUS. Schönherr.

T. oblongus, niger, subnitidus, thorace crebre punctulato, elytris profunde punctato-striatis.

Habitat in Jamaica. D. Westfelt.

Longitudo maris 4, fem. 5 linearum.

Caput exsertum, rotundatum, longitudine paulo latius, nigrum, subnitidum, punctulatum; clypeus sinuato-emarginatus, linea semicirculari impressa a fronte distinctus. Oculi laterales, oblongi, transversi, brunneo-nigri. Antennæ sub margine capitis ante oculos insertæ, thoracis basin vix attingentes, moniliformes, nigræ; articulus 1:us obconicus; 2:us minutus, nigro-piceus; 4:us & imprimis 3:us cæteris longiores, subcylindrici; insequentes versus apicem sensim paulo breviores; ultimus rotundatus.

Thorax